

1 – маусым Халықаралық балаларды қорғау күніне арналған жазғы сауықтыру сценарийі.

Тақырыбы: «Бар мейіріміміз балаларға»

Жүргізуші:

– Сәлеметсіздер ме, балалар! Бүгін Халықаралық балаларды қорғау күні. Біздің балабақшада бүгін мереке. Сіздер мереке жақсы көресіздер ме?

Балалар:

– Ия.

Жүргізуші:

Бақшамызда бүгін ұзақ ойнайық,
Балаларды қорғау күнін тойлайық.

Алақай ау, алақай!

Той тойлайық, балақай!

Тақпақ айтып, кезектесіп, бір бірлеп,
Кел, қосылып ән шырқайық, би билеп!

Алақай ау, алақай!

Ән шырқайық, балақай!

Ұғып сөзін тәрбиеші апаның,

Гүл жайнаймыз аясында Отанның!

Алақай ау, алақай!

Гүл жайнайық, балақай!

– Ендеше, алдарыңызда Жұлдыздар тобының бүлдіршіндері тақпақтарын айтады.

1. Бала, бала, баламыз,

Бақшамызға барамыз.

Күні бойы қызыққа

Батамыз да қаламыз!

2. Қиынсынып қашпаймыз,

Шынығамыз жастай біз.

Көңілді әуен сазымен

Жаттығуды бастаймыз.

3. Иілеміз оңға бір,

Иілеміз солға бір:

Тәрбиеші карайды

Аяққа бір, қолға бір.

4. Үйренеміз өнер біз,

Шетімізден шеберміз.

Тақпақ айтып, ән шырқап,

Билеп билеп береміз.